

AJ-JORIR CHINAMIR IXIMRUM

TURIB' K'AJTSYAJ TZIKMA'R 12-2020

Chinam Iximrum, 23 Winal Junio tama e jab' 2020

E AJ-JORIR TAMA E CHINAM IXIMRUM

B'IJN-WIRNA'R

Xe' e aj.jorir tama e chinam iximrum mororob' komon taka e mor-jornut'urob' uyosyob' e turib' k'ajtsyaj tz'ikma'r 5-2020, 6-2020, 7-2020, 8-2020 yi' 9-2020 eronb'ir yi' ustanb'ir tama e turib' k'ajtsyaj No. 8-2020, 9-2020, 21-2020 yi' 22-2020 tama e moror-nutb'ijnusyaj tama e iximrum, xe uchekwo'b' yi' uturb'ob' e cheksuyaj jam mab'nab'anir tiktirar tama e tunor e chinamir iximrum, tamar xe' uyojroner e morwa'r chinamob' tama e b'ixirar tama uyokir e chekta'r mok COVID-19, tya uk'eche inte' wakcher tama e b'ixirar xe' ajk'anpa'r tut e najt chinamir yi' tama e jun b'ijnusyaj tama ukorpesna'r, uwab'na'r yi' utak'arsyaj e pak'ab' xe' ukojko e coronavirus (COVID-19) tama e iximrum e noj-otot jorir tz'akoner rumar yi' takarsyaj.

B'IJN-WIRNA'R:

Xe' tama e patan ira, e mab'anb'anir, uk'ek'wa'r yi' uch'ijresyaj e mok xe' aronpa coronavirus (COVID-19) war ach'i' e ajmokob' tama e chinam iximrum yi' kochwa' uwajpi yi' tama e turb'esyaj tama yokir tz'akoner uk'ani xe' e morch'urerob' tama e yokir ajtz'akonerob', yi' mojrux yi' tuno'r e morwa'rob' uk'ani twa' atakarsanob' kochwa' e b'ijrar najtirob' yi' rumarob' tama ukorpesyaj yi' utz'akonib' twa' anajtrespa e mok yi' uxantesna'r me'yra tamarixto ochoy e jam twa atz'upespa ub'onwa'rir e mok ira.

B'IJN-WIRNA'R:

Xe kochwa' tz'ijb'ab'ir tama e b'ijn wirna'r b'ajxan yi' xe ajk'otor tama uyokir e otot tz'akonerob' uk'ajti yi' che xe ajk'anpa'r ajk'unpa uyokirar e jam turer mab'anb'anir tiktirar, uk'ani twa ajk'unpa uxantesna'r e irseyaj xe cheksub'irix, era twa e noj-otot b'ijresyaj uyub'i uturb'a e b'ijnusyaj twa uyinb'utzir yi' ukorpesna'rir ub'ixirar e pak'ab'ob' tamarixto uk'ani twa axi'chpa e turb'esyaj jam mab'anb'anir xe ayan uk'oterar tama e ajk'in jueves 02 winal julio tama e jab' ira.

TYA IXTO

Tama e chenmayaj xe' uk'ajti e b'ijk ira 1, 2, 93, 94, 95, 138, 139, 182 y 183 tama unaktz'ijb'ar e) y f) tama e noj.jun b'ijrar chinam Iximrum, 6,7,16, 17, 30,36, 39, 40, 47 tama e turib' k'ajtsyaj 114-97 tama e moror-nutb'ijnusyaj tama e iximrum, b'ijrar tama e komonir kechmayaj, 1, 2, 14, y 15 tama e k'ajtsyaj tzikma'r 7 tama e morwa'rir chinam iximrum, b'ijrar inb'utz b'a'rturer.

E MOR-CH'URER AJK'ECHMAYAJOB'

CHE.

B'ijn 1: Xichmayaj; ab'i'tz'a e jamir twa' la'in uchakar ajk'in uk'otorir e tz'ijb'a'r jamir e rumar mab'anba'nir, takarsyaj, wa'rnib'ir mok, xe' ch'ar tama e turib' k'ajtsyaj No. 5-2020 tama e patan 5 tama e winal wark'in 2020, turb'ab'ir tama e turib' kajtsyaj no. 8-2020 tama e moror-nutb'ijnusyaj chinam iximrum, ustab'ir umen e turib' K'ajtsyaj No. 6-2020 tama e patan 21 de marzo 2020 yi' xichb'ab'ir umen e turib' K'ajtsyaj No. 7-2020, ero'b' k'ub'seb'irob' tama e turib' k'ajtsyaj 9-2020 tama e moj-jor turer chinam iximrum , xichb'ab'ir tama e turib' k'ajtsyaj No. 8-2020 tama e patan 20 de abril de 2020, k'ub'seb'ir tama e turib' k'ajtsyaj 21-2020 tama e mor-jor turer chinam iximrum , xichb'ab'ir tama e turib' k'ajtsyaj No. 9-2020 xe tama e patan 24 de mayo de 2020, k'ub'seb'ir tama e turib' k'ajtsyaj 22-2020 tama e mor-jor turer chinam iximrum.

B'ijn 2. Tamarixto. E xichmayajir tama e jamir mab'anb'anir xe k'ajtb'ir tama e jun ira, aturb'antz'a xe tama e patan ira war ab'oro e ajmokob' taka e COVID-19 yi' ub'onwa'rir , ab'oro e b'ajk'utir tama e b'ixirar tama e pak'ab'ob' yi' tamarixto era e

mor-jor otot b'ijresyay chinam iximrum uk'ani twa uturb'a yi' akorpespa ub'ixirar e pak'ab'ob' b'an kochwa' tz'ijb'ab'ir twa' anajtrespa e b'ajk'utir tama ub'ixirar e pak'ab'ob' tama e chinam iximrum yi' takarixto era atz'upespa uxantesna'r e mok ira yi' umab'anb'anir xe uchektes tama e chinamir.

B'ijn 3. Uttz'akonerir ajk'anpa'r. tama uyajk'anpa'rir e chinamir yi' twa e korpesyay taut e mokir, tama e turer jamir mab'anb'anir inb'utz b'ixirar achektespa e uttz'akonerob' xe ajk'anpa'rob', eronb'ir tama e tz'ijb' xe uche e morseyaj najtirar tama e b'ixirar (OPS EML-ICU-COVID-19), xe jaxob' era.

1. Soluciones parentales.
2. Xunk'ajk tz'akpa'rir twa e wajr yi' musijk'a'r tama e ajmok, b'anub'an e ik'ar.
3. Uttz'akonerir twa e ero'b'syay chicherir, ke'ch ch'ich
4. Uttz'akoner corticosteroides.
5. Cham b'ixmok, b'anub'an e azitromicina, ivermectina, remdesivir, oseltamivir yi' mojrix uttz'akoner xe' ajk'anpa'r twa utz'akoner e SARS – CoV-2.

Ucheksuyaj e uttz'akonerir xe ajk'anpa'r ucheksu e b'etwa'r xe mamajchi uyub'i uch'ami, ut'ab'se, uwira, u uche tuk'ik o ut'ab'se utujrur, xe uchektes uk'a'pesna'r b'ijnub'ir, o ma'ci uchoni o ub'orojse, o mojrix xe achenpa xe uxoti u't e b'orojseyaj uttz'akoner tama e otot tz'akoner tiktirar o toyjamir twa uyub'i ach'amtz'a.

B'ijn 4. Pejksyajir. Apejtz'a e moror-nutb'ijnusyay, twa' xe tama e jamir ux ajk'in, una'ta, uyustesik, o uyajkwik uk'oter e k'ajt turb'esyaj , twa uk'otes e jun ira tut e aj-jorirob' b'ijresyajob', jun cheksuyaj xe tunor xe ache'npa yi' turb'esyajob' xe aturb'antz'a tama e wakcherar, b'anub'an tama e xantesna'r yokirar tama e jam turer jam mab'anb'anir xe war axichpa, b'an kochwa tz'ijb'ab'ir tama e b'ijn 32 tama e b'ijrar ira.

B'ijk 5. Tama e arob'syay tama ojronerob' mayab'. Aronpa e Moror Ojronerob' Mayab' chinam Iximrum, uchena'r wakchetaka unumesyay tama e ojronerob' mayab', garifuna yi Xinka xe b'ijrar arob'na'r tama e turib' k'ajtsyay tama era yi tama xe' uk'ajti e aj-jorir twa' aronpa yi ajk'unpa uweych'ar tama tuno'r e morwa'rob' ojronerob', tama era jay ma'chi uchob' uk'ani aturb'ana inte' tojma'r twa'chir kochwa' uk'ajti e b'ijrar.

B'ijk 6. Tama uwech'erna'r. aronpa tuno'r e wechojronerob' yi e yokir wech'ojroner xe' ayan, b'an kochwa' taka o tama e sajkchijr o tak'inir xe' ak'anpa, awech'erpa intaka tama utopob' chenmar, tuno'r xe' uk'ajti yi tz'ijb'ab'ir tama e turib' k'ajtsyay No.5-2020, e jun ira yi uch'ajma'r, ukojtz'a'r, uyustana'r yi uk'ub'esyay e jun ira, b'an ub'an kochwa' uk'ajti e aj-jorir chinam komontaka, wakchetaka uk'ani twa' osenpa tama e topop ojroner yi tama e ojronerob' mayab', garifuna yi xinka tya uwajpi tama umorwa'rob' twa' uyarob'na'r, b'an kochwa' uyojronerob' tya turob', tya aronpob'ix jay ma'chi uk'ubsyo'b' ak'ani twa' aturb'ana inte' tojma'r kochwa' uk'ajti e b'ijrar.

B'an kochwa' uk'ajti e b'ijrar uweych'ar xe' achenpa uk'ani xe' intaka yi jay ma'chi ache'npa uk'ani twa' ach'ojpanpa umab'anb'anir uchenmayajir.

Bijk 7. K'ub'syajir; e turib' k'ajtsyay ira ochoy uk'oter wakchetaka yi uk'ani twa' awech'erpa tama e jun nutyokir chinamob' rumar.



COMUNIQUESE

ALEJANDRO EDUARDO GRAMATTEI FALLA

CP

CÉSAR GUILLERMO CASTILLO REYES
VICEPRESIDENTE DE LA REPÚBLICA

[Signature]

Óscar Iván Zúñiga
MINISTRO DE ECONOMÍA

[Signature]

Carlos Rodríguez Cordero
MINISTRO DE RELACIONES
EXTERNOAS

[Signature]

Juan Carlos Alvarado Salas
MINISTRO DE LA DEFENSA
NACIONAL

[Signature]

María Paula Cárdeno Cárdeno
SECRETARÍA DE CALIDAD DE VIDA Y
ASISTENCIA SOCIAL

[Signature]

José Gabriel López Cárdeno
SECRETARÍA DE CULTURA Y
DEPORTE

[Signature]

Alvaro Uribe Vélez
MINISTRO DE INTERIORES
Y JUSTICIA

[Signature]

Claudia Rodríguez Cordero
SECRETARÍA DE EDUCACIÓN

[Signature]

Luis Jaime Restrepo Calleja
MINISTRO DE CULTURA
Y DEPORTE

[Signature]

Arturo Escobar Mesa
MINISTRO DE TRANSPORTES
Y COMUNICACIONES

[Signature]

Óscar Alvarado López
MINISTRO DE TRANSPORTES
Y COMUNICACIONES

[Signature]

José Ángel López Cárdeno
MINISTRO DE AGRICULTURA,
GANADERÍA Y PESQUERÍA

[Signature]

María Fernanda Rivas Ospina
MINISTRO DE ENERGÍA Y
MINERÍA

[Signature]

Rafael Roberto Sotelo
MINISTRO DE DESARROLLO
RURAL

[Signature]

Roberto Antonio Meléndez Torres
MINISTRO DE ECONOMÍA

[Signature]

Carlos López Restrepo
SECRETARÍA DE POLÍTICA
EXTERNA

